

يعنى ايه راجل؟!

شعر

فدى يوسف

دار الكنزي للنشر والتوزيع

دار الكنزي للنشر والتوزيع



الطبعة الأولى
الكتاب : يعنى ايه راجل !؟
تأليف : ندى يوسف
تصنيف الكتاب : شعر
مصمم الغلاف : إسلام مجاهد
إخراج : أحمد عبد الرحمن
المقاس ٢٠ × ١٤
رقم الإيداع : ٢٣٢٤٨ / ٢٠١٧
الترقيم الدولي : 4 - 60 - 6599 - 977 - 978

المدير العام

محمد صلاح

إشراف عام

إيناس الدسوقي

All Rights Reserved

Alkanzy for Publishing and Distribution

+01003897918

Alkanzy.co@gmail.com

Facebook.com/Alkanzy.com

جميع الحقوق محفوظة للمؤلف

بمعنى ايه راجل ؟!

سؤال لكل واحد .. مكتوب ف بطاقتة راجل !

هو انت عارف راجل يعنى ايه ؟!

ولا انت عايش بس .. شارب نايم واكل

ولو ف يوم صاحبت بنت

على طول على صفحات صحابك

يبقى خبر عاجل !

وتتمنظر وتتمختر

تقولشى يعنى الواد بقى عنتر


وتعيشلى ف دور سي السيد

وع الغلبانة تتشطر !


تلبس ايه

وتكلم مين

وعليها بس تقول امين !



وانت مقضيها ف مقابلات
ولسه فى مواعيد بتتحضر
ورنة تليفون بتتكسل
وخطة تانية على غيرها .. بتتمثل !
ورسالة من واحدة تالته !
ف تتقل عليها وتكسل
وتقضى يومك عادى جدا
من غير احساس ولا ضمير
وان حد عاتبك بكلمة
تقوله بس ..
لاحسن الدماغ منى تطير
ف تبدأ تخطر بالكلام
وتقول انا ... راجل !!
انا راجل .. عندى شهامه
وع الحطة بتاعتى بغير
عندى شقة وعربية وفلوس كثير
اجيب بيهم اى واحدة
تبقى عندى جارية



وابقى عليها .. انا امير !

وتأخذك الدنيا وجبروتها!!

وتبقى مثال للغباء

لأ وتتفلسف وتقول

اصل الرجال قوامون عن النساء !

تعرف ايه انت عن الرجال !!؟

تعرف ايه انت عن الرجال

يا واحد مقسم بنات جامعتك

لبنت يمين و ٥٠ بنت شمال

تعرف ايه انت عن الرجال ؟!

يا واحد بيقوم من نومه العصر

وبليل ع القهوة مع شوية عيال

تعرف تشيل مسئولية ؟!


تعرف تربي العيال ؟

تعرف تبقى شهم ؟

تعرف تقوى زي الجبال ؟

تعرف تجيب القرش من عرق جبينك ؟

تحارب لجل دينك ؟



تبقى عارف ايه ليك ..

وايه يدينك !!؟

تعرف ايه انت عن الرجال !؟

بس يوم ماتعرف تقدر

يعنى ايه ست !

يعنى ايه اب

عنده ولد وينت !

ساعتها هتبقى راجل ولا كل الرجال

وتبقى حسبتها صح


وبعقل وذكاء ووقتها ..

كل ست هتعارف وينفسها

ان الرجال حقا ..

ان الرجال حقا ..


قوامون عن النساء !






عشان خاطرى


ملكش الحق لو تبكى
على كلمة هتتقال
تضيع عمرنا الباقي
على ذكرى هتتشال !
واذا لازم تقولها لى
بلاش تانى تعيدها لى
انا دمعى خلاص سال
مجرد كلمة ! .. صدمتنى
وهزتنى وكسرتنى
وده جايز عشان منك
مجتتش ف مرة ع الببال
وعلى فكرة !!



انا بكره ..
جايز بعده
هدمع كل ماافتكر
وكام ذكرى اوام عدوا
بحبك ! بس مش فارقة
اقولهالك مدام هبقى
مجرد حد كان عادى
يدوب هبقى كلام هادى
على لسانك ف يوم سرقة !
عشااان خاطرى !
بلاش خاطرى ..
ماليش الحق اقولهالك
بلاش تشطب ف يوم سطرى
ف لحظة كره ف كتابك
وتسمحلى .. اكون جنبك
ف لحظة إمضا ف كتابك




علی غیری !
ف یوم فرحک
وانا صدقنی هفرحک
واکون جنبک .. مدام عایز
وادوس علی قلبی لو جایز
یکون دمعی .. سبب فرح !



لاقيتك حزن

وفجأة ف وسط سرحانى
لاقيتنى راجعة م الاول
لاقيتك بيت .. مكملنى
وانا بدعى اننا نطول
لاقيتك حزن بيدفى
كلامى عمره مايكفى
ده بوجودك انا نورت
وكان قلبى خلاص مطفى
ف تسمحلى اكون واضحة
واتكلم انا عنك . . .
يديمك نعمة ف حياتى
ويرزقنى بروح منك



الف رحمة ونور عليه

واللى #فاكر انه جمبك

واللى هنت ف يوم عليه

واللى عايز يبقى شبهك

لسه #بدرى كتير عليه

واللى حبك واللى خانك

واللى بكى دموع عنيك

واللى كان عايش عشانك


واللى حبيته بجد

واللى شبهته بجد


بردو #سابك ف النهايه

حط بينكم الف سد

واللى قالك واللى وعدك



واللى #راح لحد تانى
واللى حب بسرعه بعدك
واللى حافظ نبرته
واللى سابك #شنطته
واللى نفسه يكون معاك
بس روحك صدته
واللى فاكر لون عنيه
واللى حاسس لسه طيفه
بردو سابك ف النهايه
الف رحمة ونور عليه !



وتتمایلی

وتتمایلی !!

كانك ورقة على شجرة

غصونها اصلا متشبهكيش !

يدوبك تبقي حاضناكى ..

ف تتوجعى !

كانك عسكرى عاصى ..

طلع هربان

ف اول يوم دخل فيه جيش !

ف تستائى .. وبتملى


ملل مالهوش لا طعم ولون

كأنك سلعة بهتانه ..

ومتهانة !

بدون اسباب متعرفيهاش

لكن عارفة .. اكيد هتهون !



صح جدا

صح - جدا لما قالوا .. ان الدنيا ماشية ماشية
وان حرك يوم هاييجى م الے ياما جم عليك
وان كل شرح باين
ف النهاية بكره تعرف .. انه كان بيعلى فيك

صح جدا .. يوم ماحاولوا يقنعوك .. ان بكره مش بعيد
بس نسيوا ف الحقيقة
ان بكره زى بعده .. زى اى يوم هاييجى
يعنى بردو مافيش جديد !


صح جدا .. لما وقفوا مره جمبك
لجل يبقى الاسم وقفوا !

بس إنسى انك تشوفهم .. لما فجأة الزهر يلعب
وتلاقيهم فجأة نضفوا !

انهى صح وانهى عيب
لما تبقى لسه ماشى ع الاساس اللى انت عارفه
وان الصح اللى ف قاموسهم
انك انت تبقى ماشى ع الاساس اللى انت صارفه

انهى صح وانهى زفت !
اللى خلى الواطى ييجى .. ع اللى شايله فوق كتافه
واللى صابرع اللى شافه
بس لما داقوا شره
يومها بس منه خافوا !

انهى صح وانهى عيب !
اللى خلى الدنيا صعبة ع اللى ماشى بالحلال



واللى عنده كوم عيال
واللى راضى بـ اى حاجه
الا فكرة الشمال

وان ضرورى نبقى صح !
يبقى طزفـ اى صح
وان خلاص الريح هتقوى
بردو متهزش جبال !


بسیب روحی

ولما ایدیک بتلمسنى
ف عز الزحمة .. بظمن
ومش فارق معایا الناس
بسیب روحی وبتجنن
ولما تقول خلاص نمشي
بقول ماشي علي راحتك
وبدعى بصوت مهوش مسموع
تكون سندی واكون راحتك



سه فآكرة ١


قلبي عكس .. خط سيري
حاطط حواجز ف الطريق
جوه ببيانه بدلة ميري ..
رافض يكون الا بريئ !
فاكر سكاته لما قال
كلمة بحبك .. بالرموش
لما قالك اطمنى
لما قال مايهموش
لما راح وسط الصحاب
واعترف بحبه ليكى
لما اتكسفتى .. لما ضحكى
لما شاف حبه ف عنيكى
ضحك اوى وقال هتبقى




اول حياة بدون بديل
ايوه هتكونى الوحيدة
واديكى حاسيتى الدليل !
بس رافضة تصدقى
لسه غاويه تدققى !
تفاصيل بتتعب ف النهاية
ف حاول فى فىكى تحققى
اللى غيرك مش لاقيه
اللى نفسك لسه فيه
ده انتى حتى نسيتى ميزة
اللى ياما حلمتى بيه !
هو عشقك مش ارادى
هو قلبك لسه راضى
لسه غاوى يجرحك
لسه غاوية تقول عادى
لأ وفاكرة ! ..

يوم مكاملة .. كت ماينكم بالساعات

فاكرة تفاصيلها البسيطة



فاكرة حتى التنهيدات
لما نادا اسمك بحبك
لما رديتي بكسوف
لما قالك احضيني
بس صمته كان حروف !
لما قولتي جوه منك
انت احلى راجل ف عيني
هو كان سامعاك .. غريبه !
رد قالك .. افهميني
لسه فاكرة لون تيشرتة
يوم ما كان بيودعك
لسه ناوية تجيبى سيرته
رغم انه بيوجعك !
لسه حافظة الكلام
اللى قالك احفظيه
ولما اغيب .. اسمعيه
لسه فاكرة لما قالك
لو جرحتك .. غصب عنى



اوعى قلبى تجرحيه
والمصيبه .. ان وعده
هو ده اللى ماشية بيه !
الكلام طالع قصيدة
بس مش .. مترتبة
اصل لا يحس الكلام
غير اللى حالته متعبة
مين اللى كان حاكى الحكاية !!
قلبي انا !! ولا الرواية
ف الاساس من خيال شاعر حزين
المهم انك حاسسها ..
مش مهم كت لمين !
ورينا مايكتب سطورها
ع اللى لسه حابب يعيش
ورسالة منى للى اتوجع
ياريت تانى .. ماتقراليش !

لسه فآكره ٢

لسه نفسك تبقي جمبه

لسه عايزه ترجعيه

ايوه ممكن تنسى جرحك !

يعنى ممكن تسمحيه

لأ وفاكره لما قالك

ايوه انتى سحرتى روحى

ايوه انتى اغلى منى

ياللى طبيبتى جروحى


ايوه يعنى عايزه ايه

صوته لسه حافظه قلبك


روحه لسه جوه منك

مشتقاله يعنى جدا


يعنى عايزه تقولے انك



ايوه فعلا حبتيه
يعنى نفسك تملكيه
لسه بردو فيكى شوق
يعنى تانى حاسيتيه !!
يعنى اخر مره قابلك
كنتى ناويه تقولے ايه ؟!
كنتى حاسه انه جمبك
لسه باقيه ف يوم عليه
طب قوليلي واقنعيني
بس بردو هتسمعيني
وان كلامى مش اكيد
ردى انتى وامنعيني
-ايوا عارفه انه خاين
وان حبى لسه هابين
وانى مهما حاولت اكونله
بردو غدره لسه باين
لأ كمان عارفه انى
مش هتبقى حاجه منى



كل ذكرى منى ليه
كلمة وحشه يقولها عنى
بس بردو صعب انسى
مهما احاول انى اقسى
بردواشوفه مره واحده
القى نفسى لسه حاسه
ياللى بتقوليلى انسى
اصل هو مايستهلش
حطى نفسك يوم مكانى
حاوله انه مايتقبلش
شوفى كام مره هتلقى
بعده الدنيا ماتتعرش
حاوله تستغنى مره
عن مشاعرك للحياه
جربى تنسى ملامحه
ماتقوليش ولا مره اه
يلا انسى الاغانى
والاماكن والثوانى



ولو تقدر

ولو تقدر تكون واضح !
عشان اقدر اكون صادقة
وجودك شئ مكملنى ...
ده بوجودك انا هبقى

سيبها لغيرك

دور كده ع الحلم ،، اتحقق؟

لا !! ؟

طب احلم تانى ،، يمكن تتصدق !

حاول مره ، اتنين ، وتلاته

حاول تبقى بكل بساطه

حاول جايز

ولو مش عايز


سيبها لغيرك .. عنده ارادة !

قادر يبقي ف وش الريح

قادر يحلم اصله صريح

وان غاب حلمه وبابه اتفضل


قادر يحلم بالمفاتيح






ام عیالہ

و #الراجل لو حب حقیقی
مش صعب علیہ انه یسافر
لو شافک محتاجه لحضنه
هیجیلک جری وهیعا فر
الراجل علی قد قسوته
وعناده وخوفه علی کرامته
لو حبک من جوه کیانه
ف یابختک هتکونی امیرته
مش سهل علیہ یقولک ماله
ف بلاش تتغابی وعدیها
ومدام شافک ام عیالہ
خلیکی معاه وامسکی فیها



الراجل مش شرط يعبر
لو كان غيران مرة عليكى
محتاج قلب يحس يقدر
ويشوف الحب ده ف عنيكى
الراجل مش دايمًا زيك
يشتاقلك وقت ماتشتاقى
تلاقيه على غفلة يقوم جايلك
وساعات هتقولى ده مش باقى
خليكى جوه ف تفاصيله
ده الراجل بطبيعته هوائى
الراجل على قد مظاهره
على عكسه تماما من جوه
خليه يشوفك دايمًا ضهره
هيكونلك كده مصدر قوة
الراجل لو شافك فيه
ومن قلبك بتخافى عليه
هيكونلك سندك وحمائتك
وده صعب تانى تلاقيه




ليل غميق

و النيرة منك ..
وقت زعلى .. تكفى
عمر من الفرح
وانا عمرى قبلك ..
كان مجرد ليل غميق ..
حس نورك ..
قام طرح !

کل حاجة

حافظه کل حاجة
فاهمه اي حاجة
بس ناقص منه حاجة
هی حب الحاجه لیا
وابقی عنده کل حاجة
قلوب کثیر جواها حاجة
قلوب محتاجه تبقی حاجة
بس قلبی ناقصه حاجة
هی حب الحاجه لیا
وابقی عنده کل حاجة
اقدرا نسی ای حاجة
الا هی بس حاجة
هی حب الحاجه لیا
وابقی عنده کل حاجة



لوحتى فاضل بس يوم

انتي جمالك ، مش كام طقم تلبسيه

وحبة احمرع الخدود

ولا لون بيلمع ع الشفايف

وتكسري كل الحدود

مين قال حلاوتك ف الهدوم ،

مين قال جمالك راح يدوم ،

ده الشكل زایل والروح هتبقى ،

لوحتي فاضل بس يوم !!


مين قال يابنتي ترمطي نعمه اداها الرب ليكي

هو الصح تحفظيها ولا تضيع من بين ايديكي


هو الصح تبقي غاليه ، ، ، !! ولا يبقى الرخص فيكي

ولا تبقي متاحه جداا وتنسي اي ادان بيدن ،

وتغيري ف لون عنكي



دي الجواهر بيشلوها لجل انها تزيد جمال
مش بتبقي للجميع ويلعبوا بيها العيال
ومهما حاولوا يقدروها ، تقديرها مش كتر مال
ف انتي ليه ، فرحانه جدا انك حلوه ف العيون
لأ ومبسوطه كمان من معاكسة شاب ليكي ،
وف ضهرك قادر يخون
لا يابنتي صدقيني ، الحلاوه جوه قلبك
جربي تنسي كلامهم ،،، وقربي مره لريك
وهاييجي يوم وتلاقي حد حب فيكي روح جميله
وصدقيني ،،، ده اللي شبهك !!



بخاف احلى

انام مبسوطه علي صورتك
في تيجي في حلمي علي الضيق
ولجل انك .. ولا ف بالك
بخاف احكي لا تتريق

بالدراغ

واذا كان علي حقي

مش هسيبه


ولو حتي بالدراغ


ولا هقبل اكون فرعون

ولا دمي يكون متباع

ولا هاجي ف يوم عليكي

ولا فيكي هكون طماع





انا نفسی


انا نفسی .. حقیقی احکی

والا قی اجابۃ لسؤالے ..

لکن هحکی لمین وازای

وانا اصلا ..


مانیش عارف انا مالے !






الحكاية

الحكاية .. انك انت ..
لما تبقى .. ف وسط ضيق
تبقى عارف .. ان وجعك ..
هو ده بداية الطريق



حاسه

حاسه حضنه انه بيتي
وانى اولے واحده بيه
بس خايضة ييجى يوم
القى غيرى ساكنة فيه
اصلها مش سهلة فعلا
ان فجأة .. تسيب مكانك !
يبقى حب ازاي وليه ؟!
لو هتبعد عن امانك
حتى بيتي مش هيقبل
واحدة غيرى .. ولو عشانك !




احيانا


احيانا احلامنا بتكمل!
احيانا اخرى متكملش ...
وده جايز علشان الفكرة
ف عنادك ف اللى مينفعش

الحب مش شحاته

الحب مش شحاته
ولا لقمة هتديها لى
ولا قرش ساغ وحسنة
ولا عقدة تحلها لى
الحب مش رغييف
ولانومة ع الرصيف
ولا اقول لله يافندم
انا قلبى مش ضعيف
الحب مش زباله
ترميها ف اى وقت
وان كنت ف مره عالاه
على قلبى مش لحد
الحب مش مغامرة
ورهان على حاجة ساقعه



ولا خطة عشان مؤامرة
وحوار على بت واقعه
الحب مش بلاستيك
ولا فيلم ف سيما ضلمه
وفلوس محتاجه استيك
ولا رحلة وشلة كامله
الحب مش كلام
ولا وعد مالوش لزوم
ولا قاعدة والسلام
ولا شكل بالهدوم
الحب مش حوار
على حد م التلاته
وخرناقة وضرب نار
ولا غيره ودور شماته
الحب مش و مش
ولا لعبة عشان تغش
وان لازم اقولها تانى
ف الحب مش شحاته !



إرسم بكرة

لما الدنيا بحالها تكون ،،


كده ١٠٠ وش وكده ١٠٠ لون

،، اخبط راسها ف اكبر حيطه ،،

وارسم بكرة مهما يكون

ف الانعاش


مين قلبه مات م الإهمال ..
وف يوم تانى دق وعاش ١٩
دي قلوب ماتت اكلينيكييا ..
وف عرض خروج م الانعاش





مش نصيبك


انا #مش_نصيبك
ولو حتى انا عايزاك
ولا يوم تصدق حد
لو قالوا بستناك
بقى سهل عليا جدا
لو يوم مكنش معاك
خلي الضمير مرتاح
وبلاش كثير تفكير
خليني حب وراح
وغلطت ف التقدير
وان كان على جرحى يعنى



مالهوش خلاص تأثير
ميروك عليا الدررس
ونجحت ف التغيير
والكام ذكرى اللي بينا
خليها هتعوزها
لما ف يوم هتفوق
ويقولوا مع جوزها
مين فينا كان امتلك
حاجه ف يوم عازها

مش هنر جمع

حاجه بينا مش هترجع
حتى لو ف يوم رجعنا
ما انت سبت قلبى يمشى
ماتوجعتش يوم وداعنا
حاجه بينا مش هترجع
حتى لو هكون لوحدى
جوه حضنك حاسه روحه
بردو عارفه جاى بعدى
حاجه بينا مش هترجع
قلبى يعنى مش هيسمع
مش هدمع
مش هجمع




مش هحاول افكرلك
غير ساعتها كلام بيوجع
حاجه بينا ف النهاية
روحها سابت المكان
وانت خدت عزائها فاكر
لما قولت مهما كان
مش هتسمع
مش هترجع
يبقى ليه بتتهمنى
لما اقولك مش هينفع
وان فكرة الرجوع
وحدها احساس بيوجع



البناء في الارتباط

والبنات في خيالها
كأن سؤال لو سببتها
هتجيب مين !
وتعيش لمن من بعدها
ودي شكل ايه
وهتبقى ليه بدلتها
والعشق فيها . . .
كان مجرد ترتيبات !
لجل تبقى ملكتها !
والسؤال بيحجب سؤال
والجنان بيشتغل :D
وهو ليه ساعتها قال



وليه ساعتها كان سأل
وف يوم مقابلة كات مابينهم
ليه ساعتها قال بحبك
و الكلام اللي ف عيونهم
لما قال انا هبقى جمبك !
يعنى كل كلامه كذب !
يعنى هو ماكنش حب
واختلافه .. كان خيال
وقلبها هو اللي طب
البنات ف الارتباط
عايزه تبقى لوحدها
ف انت بس عليك تراعى
وتبقى دايمًا جمبها
وان لاقيت ف يوم جنان
عدى يومك يابنى وانسى
ولا اقولك سبلها D:

مش قرارك

لما قررت الوداع

مش قرار

بس صعب تبقى عايز

تبقى انت الاختيار

لو هتقبل تبقى خانة

او هتقبل ... الالهانه


يبقى كمل للنهاية

واوعى ترجع .. بالامانه!


بالامانه مش حقيقي

تبقى يوم عقبه ف طريقى

لا انت قادر تبقى حب




او هتبقى ف يوم صديقى
اختيارك .. مش خيارك
مش قرارك
مش هكون خانة ف مرارك
كمل انت ف المعادله
كمل انت ف انهيارك




اساتذة كذب

مافيش .. وماعناش
وده اللى هناك ميلزمناش
وده تجويفه، من جوه
من الاخر .. مينفعناش
ندورع العيوب فيهم
وينبرر ل اخطائنا
نصدق كذب اهالينا
وينكذب ف اصدقنا !
وينحور وينتكتك
ونعمل نفسنا باشاوات
اساتذة كذب بالماركات
عيب عليك .. يا سطفى عندى
اعتبر حوارك مات !




وكذب ف كذب بيساوى
جامع طرح اللى مش مقسوم
هدوم متفبركة ب هدوم
ضميرك مات وتزعل ليه !
ماتقرا الفاتحة ع المرحوم
كلنا بربطة معلم ..
حوارتجية بتقديرات
يعنى واحد خد ضعيف
لما حور بالساعات
بس غيره كان برنس
لما ثبت ١٠ جمبه
تحت اسم .. بتاع بنات !
لا ولسه .. اوعى ننسى
اللى عملت روحها قاضية
لا حرام .. لا ده عيب
وهى اصلا ف الالاساس
نسيت ان النقد عيب
لما يبقى ف واحدة فاضية !




حاوی

حاوے مره تبقی جمبه
حاوے یعنی تکنونی فیہ
یعنی حاوے تحسی روحه
قصدی لازم تحتاویہ
ایوا عارفه انه راجل
زی غیره ف الصفات
ایوه عارفه انه جایز
تبقى عنده ماضی مات
بس لیہ فجأة هتبقى
زی غیرك ف اللى فات
شایفه ان هرویك اسهل
شایفه انه بتاع بنات

طب هقولك شئ لطيف
حاوَلْ تبقى مره امه
قصدى يعنى تشيلى همه
جربى يعشق ملامحك
خليكى شريان ف دمہ
ولما تحسى كلامه كذب
فجأه قولْ بعشقتك
فجأه هو زاد ف كدبه
قولْ بردو بصدقك
هتلاقيه اتغير معاكى
حس فجأة انه عاشقتك
هتلاقيه قالك هواكى
واحدہ واحدہ هتبقى فيه
ماليه عينه انتى بس
ف حاسيسيه بخوفك عليه
فجأه هو هيبقى حس



فجأه انتى تبقى جمبه
لابسه ابيض ماسكه دبله
فجأة صوته يقول بسرعه
ايوه أنا بعشق جنانك
لأ و مالأول يا هبله ! D:





متألشی


فی کام واحده بتحلم بیک ؟!

وکام واحده بتستناک ..

متألشی عشان فعلا

بالرغم ان الجميع جمبک

بتتمناها #هی معاک



بتقلب ف دفاترك ليه

بتقلب ف دفاترك ليه ..

ومصمم ترجع للماضي

لو فاكر تقدر تتعايش ؛

مع ميت ميت من بدرى

يبقى ظنونك جت ع الفاضي

بتقلب ف دفاترك ليه !

اصغر عيل فينا بيعرف .. الي يقرب يوم ف دفاتره


يبقى جديده مش شغال

او ملموم على شلة شمال

او انه مش قد كلامه .. وكل كلامه ده لعب عيال

بتقلب ف دفاترك ليه !!


بتفكرنى ف يوم وانا ماشي ..



حد سألنى .. رايح فين !
طب تعرفنى .. لا معرفش ..
طب تسألنى .. بصفتك مين !
حد يشبه كده .. للجوكر .. لأ مش جوكر اللى يغنى !
أقصد جوكر الكوتشينه .. الة مالوش قيمة ولا لازمة
بس وجوده غصب عنى !

بتقلب ف دفاترك ليه ؟

فاضي يعني !! .. مش لاقى حد يسليك !
او ان اللى معاك يا كبير .. مش عارف كده يملى عنيك !
بس عشان مبقاش انا بظلم .. في تفسير تانى .. لرجعوك
بيقولوا اللى يحب بجد .. مهما يقابل .. مليون حد ..
يفضل شخص ميتكررش .. لأه استنى متسرعرش
بيقولوا اللى يحب جد .. مش اللى خاربها و مقضيهااا ..
وميعرفش طريق للجد !



بتقلب ف دفاترك ليه !!

اللي يقلب ف دفاتره .. خايف

خايف بكره انه ميكملش .. خايف بعده مايتقضاش

مين قبلك كان ضامن بكره .. مين قبلك كان حب وعاش !

بتقلب ف دفاترك .. جايز .. انك تملى الحتة الناقصة

الناقص عمره مايتغير .. وان عملوا للنقص ده رخصه

اللى يفوت من غير تفكير .. مايتكررش .. وماتفكرش

انك ترجع يوم تلاقيه .. ركز احسن ف اللى معاك

او ف اللى هيبقى معاك .. واوعى تخونه او ترميه


اللى مابينا ده مش حرب .. ولا فيه مكسب وخساره


ولا جاني ولا مجنى عليه ..

ف رجاء .. لا تفتح ف دفاترك

ولا تسألنى انا عامل ايه ! ..

بتقلب ف دفاترك ليه





الى مجهول

انا فعلا . . بحب بجد !
بحب حقيقى .. مش منظر
ولجل صعوبة الموقف
ف مش هحكى ولا هفسر !
يجوز فعلا احب ف حد !!
وعن حبي ماهوش مسئول
وفين عقلى وانا بكتب . .
وانا بكتب .. الـ #مجهول



مش ضرورى

هو حبك ..

انتى لأه !

انتى عاشقة

ف كل دقة !

حد تانى حب غيرك

ف انتى ناوية ..

تدى خيرك !

بس غيرك


مش ف باله ..

زيك انتى

مش ف بالك

اللى شاغل ..

حاله حالك ..



بس انتى ..

فاكرة جايز . . .

بيقى مرة ليكى عايز

زى غيرك بردو نفسه

بيقى مرة بيكى فايز

مش ضرورى !!

مش ضرورى اللى حبك

تبقى ليه

مانتى بردو مش هتاخدى


اللى ياما حبتيه

والمشاعر صعب تبقى

ف يوم ليلة ذكريات

والحنين اصعب كثير

لو هيبقى لماضي مات



موت بطيئ

ولما قرر انه يبعد
قرر انه يكون #صديق
والمصيبة ماخذش باله
ان موت مشاعرها ليه
ف النهاية #موت - بطيئ


من الوحدة

وفاكرينى بنام واصحى

على ملاية وسرير فضة !


وانا قلبى يا خلق الله . .

من الوحدة .. خلاص صدا



إياك


الموت صعب ف فراقه
وحلو جدا ف الرضا
لو يوم هتتعب ف فراقهم
اياك تحسسهم كده






ابوہ صایع !

بصی عارف انی صایع
وساعات کتیر انا ببقی ضایع
ف وسط کل #زحمہ - حلوه
مع بنت احلی وصوتها مایع
والوقت یجری مع کام #سجاره
واخبی زعلی بکام ستاره
ف یشغل ام الجنان
اروح کسرلے کام إشارة
بس الغریبه ف کل ده !
انک انتی !
مستحیل تبقی کنٹی
شایف فیکی کل حاجه



وام عیالے .. یا حبیبتی
بلف الف وارجعلک
ولا اقدر یوم علی زعلک
ولو علی خاطرک ف یوم خدتی
هسیب الدنیا واسمعلک
کل الی فیا طالب انک
تستحیلینی ...!
ده انا حته منک
ولو تعبتی ف یوم منی
متفضلیش غصب عنک
کل الکلام انا قولته لیکی
والرأی لیکی مش علیکی
فکری بقلبک وعقلک
واوعی تنسی .. روحی فیکى !



حبی راجل

الموجود لو كان هينفع ..

كان هينفع من زمان

وان ضرورى خلاص تحبى

حبى راجل مش جبان

عادى جدا

مستعدة لاي بعد !

اي بعد يكون اساسه .. كام مسافة و كام موصلة

مستعدة لكيلو مشي .. او تلاته !

او 3×100 زائد .. 100 مسافة تختاروها

مستعدة ببعد يمكن

مش ضرورى نكون لبعض

حتى طزف اى وعد ..


حتى يعنى لو هتحكم ..

ننسى ان عرفنا بعض


عادى جدا !

عادى جدا .. !

لو ههاجر جوه نفسى .. #100_ بلاد




او تسافر انت حتى .. دون رجوع .. دون مكاملة
.. بس بردو ابقى عارفة .. ان نبضك لسه حى ..
حتى لو مع غيرى زاد !



بتجبنی ؟!

لما هو قال فراق
هی قالت .. یلا عادی
هو قال .. حلو جدا
هی قالت .. بالتراضی
بس كان سؤالها لیه !
هو عامل نفسه عادی

اصل هی عارفه انه
رغم حجة ترتیباته
وانها بره حساباته
هی لسه جوه حضنه
هی منهج ذکریاتہ !




هو قال استنى ثانية
عايز اقولك حاجة تانية

ايوه صح هتوحشيني
حتى وانتي بتسببيني
حتى وانتي فاكره انى
مش هتجرى عليكى عينى

بس لازم تعرفى ..
ان هاييجى عليا يوم
هتمنى يرجع حينى
هستنى انك تجينى
هتخيل نظرة عنيكى
لما كنتى بتسألينى

بتحبينى ١٩




كنت بهرب م السؤال
مش لاني صعب اقولك
قد ايه عشقت فيكي
لا ده كان عشان بحبك
كنت بهرب من عنيكى

بس سيبيك م اللى فات
اتعاهدنا واتفقنا ..
بس بردو افترقنا
والحنين جوانا مات
قصدي انه لسه عايش
بس مستنى الممات !


الحلم متعلق


تكونش الفكرة مش واضحة
يكونش الحلم متعلق .. !
ف ديل فستانها والطرحه
تكونشي البنت مجروحه
ومش عايزة كمان معلش
كلام مدهون بلون الغش
ف رافضه تحس من تانى
ف يطلع حلم فاضى وهش



خليك راجل


لو جه اليوم اللي يحزن ،
وملاقتش اللي بإيده يحنن ،
اصنع من ضعفك قوه ،
وخليك راجل وعلي نفسك هون !!
لو جه اليوم وبقيت زعلان ،
او حسيت انك ندمان ،
خليك راجل واحلم تاني تكون انسان !!
لو. في يوم نمت بدموعك ،
علي اللي خانك او بيخونك ،
خليك راجل ودور تاني
علي النبي أدمه اللي تصونك





دوشه

دوشه دوشه .. و وش #وش
واللى اتقال #ماتعملش
واللى اتعمل ... #ماتفهمش
واللى واقف ع البيان ..
عينه بجحه #وماتكسفش
واللى جوه ف القلوب
تحت رجليك .. #ماتحسبش
واللى قدام العيون
لسه بردو ... #ماتعرفش
واللى منك
واللى منى
واللى ضاع
كان غصب عنى
بس اوخوا تقولوا انى ..
ضعت ف جنون الحياه
ده انا قلبى لسه #ماتولدش




م البداية

هو يجري سنين وراها ..

هي مش فاكهه الحكايه ..

هو نفسه يكون معاها ..

هي نسيته م البدايه



سبب مقنع


مافيش واحده بتتمني
تكون عايشه بدون اسباب ..
مافيش اصلا سبب مقنع ..
يخلينا في مره اصحاب

لازم تآون عآسهم

فأ ناس عشان تكسبهم
لازم تكون عكسهم
حبوا فيك ف انت تكره
كرهوا فيك ف تحبهم
وان مصمم تبقى ليهم
اوعى تديهم ف مرة
اكبر كتير من حجمهم

ایوه اسف

ایوه اسف تانی لسه !
ان فیکی حاجه ناقصه
وانی دمرت احتمالاک
وانی قررت احتلالک
وان سیبت فیکی فرصه
واسمحیلی قبل ما امشی
انی اقولک زی عادتی
انی مش عایزک معایا
وانک انتی لحد تانی
بس جوایا ... بتاعتی





نفسى ابقى عروسة

من صغرى بقف قدام محل الفساتين

واحلم ابقى عروسة

وكل ما سنة تعدى من عمري

اقول هانت يا جموسة

بكره يجيلك ابن الحلال

احضر افراح صحابى .. واقول يا بختهم


نفسى ف دبلتى .. والبس فستان زيهم

وييجوا هما يرقصولے

ماهو مش كل مرة انا اللى .. ارقصلهم

نفسى امشى انجايه

مع واد حليوه ويبقى بيه



ولا حد يقول فين ومين
ولا اسمع تانى كلمة ليه

نفسى ف ورد كل شوي
مع حبة حب على حنية
واروح مقموصة قال زعلانة
اتقل شويه .. واقوم مرضية

نفسى الفاع الفستان
وافضل انقى ف البرفان
واشترى جذمة حلوة بتلمع
اصل ده حلمى من زمان

ورقصة slow وانا وياه
وابقى لوحدى بس معاه
واشوف عيون الناس فرحانة
انى اخدت اللي بتمناه

ويبقى كسوفى لون فستاني
اصل معايا اللى اتمناني
وافضل خايضة ابص ف عينه
لا بيان حبي اوام وحناني

وناخذ بعض اوام على بيتنا
نبنى حياة ملامحها حياتنا
وتجربى سنين واحنا سوا
ونحضر سوا افراح اولادنا


بس متنسوش ان ده كان حلم
يومه ماجاش .. واننا ف العلم
بس اكيد ف يوم هنعيشه
ونبقى رواية .. لأجمل فيلم

كوتشينه

واتارى اللعبة الريحانة
رايسها كان غايب .. !
وانا كنت البنت فيها
والكل كان شايب ..
وانا لسه ف انتظار
بس الولد غايب .. !


اهبل ولا عبيط ؟!

يا بني انت اهبل ولا عبيط
بطل بقي دور التنطيط
فين العقل وفين الحكمه
فين التقل فين التخطيط
ولا عيني بعد الصدمه
متوتر نازل تشليت ..
بس اسمعها مني دي كلمه
اهدى وركز في اللي معاك
وبطل بقي شغل التثبيت .



اوتار الوجد

تعبت حقيقى من فكرة
انى الكبير وانى الجدع
مع ان لو لحظة يحسوا
هيالقوا مقطوعة بتعزف
على اصل اوتار الوجد





حب جديد


فی حب یحلی ایامنا
و حب یهد احلامنا !
و حب مهما تخلصه
لغیرک بردو یتمنی
و حب تعیش علی سیرته
و حب تخاف تجیب سیرته
و حب جدید بیندهلک
تقوم سارح ف تنهیدته
و حب یداوی ف جراحک
و حب سعادتہ ف کفاحک
و حب یعقدک م الکل !
و حب یلاقی مفتاحک

البد هو

وفين انت .. وفين هو !
ده انا ضعفى معاه قوة
ولو فعلا خلاص هختار
بدون تفكير .. اكيد هو

يارب

يارب عدلها ..
وكملها وسهلها
ولو امرك متكملشى !
ف انا راضى ب اولها





الحب العامّة

لو هتفضل كده ساكت

ومش هتقول !

يبقى انا هطر اتكلم

واقول ..

لو كلمه تقولها ليا

لو حتى وانت مكسوف

صدقني هحسها

وانا قلبي ملهوف . . .


لامتي هستنى الكلمه اللى بتمناها

لو هفضل عمري كده .. بتراجاها


مش هحسها غير منك انت ولا بمعناها

نفسى عيني تبكى

من نار احساس الكلمه اللى سمعاها



لو من غيرك انت عمرى مابقى حساها
سمعتها كثير من غيرك
بس نزلت على قلبى زى عز الشتا
والمطره نازله من سماها
كل ده ومش حاسس بمعناها
وهقولك ايه تانى!!
ماخلاص قلبى اتسقى بقساها
لو تعرف عينى وهى بتبصلك
بتقولك فى نار جواها
كنت هتجرى عليها
والخطوه قبل الخطوه سبقاها
تصدقنى لو قولتلك بحبك
بس من غير دموع
عارف هتسأل وتستغرب وتقول
معقوله ده الحب الموعود
هقولك صح , , , , , !!
حبنا الصامت ده هو
اسمى حب فى الوجود



وانا بحبك

وتزعل ليه .. وانا بحبك
تغور الدنيا دي بحالها
بمشاكلها .. ومحتالها ..
وتفضل ضحكتك نوري
تنور دنيتي بحالها !

النصیب بینادینی

انا جایه اودعک ،
اصلي هکون لغيرک ،
کان نفسي اغیرک ،
واعیش معاک ف خیرک ،
بس النصیب بینادینی ،
والصراحه مالي عینی ،
حد حاسس بیا اوی ،
ف ناویه اعیش معاه سنینی

فيلم هندي

حبك انت كان #فسيخ
رغم طعمه الحلو جدا
بردو مش زى الطبخ
حبك انت . . ساندوتش
ع السريع ف وقت عوزه
والمزاج يبقى احلى !
لما يبقى جمبه جوزه
حبك انت لوز مقشر
حاجه ساقعه ولب سوبر
دى العربية تبقى احلى
لما تبقى ميني كوبر: D

حبك انت كان بساطة
حاجه تشبه للبطاطا
مش فلوس ف البنوك
حاجه فضة ف البلاطه
حبك انت .. يعنى حب
دون كلام وترتيبات
فيلم كان هندی بصحيح
رغم موت بطله ف نهايته
بس عمر ما حبه مات !

حكاية حب

الحكاية من قاصرها
لما # بنت تجيب اخرها
من حكاية حب فاشلة
الفضول بيكون قاتلها
لجل تعرف مين هتبقى
سارقه منها حنين راجلها

صدفة

ايوه بقالے كتير ما بحبش
عقلی انا .. حافظ كلمة لأ
صدفة انا شوفتك يوم قدامی
فجأة انا قلبی حب و دق !

عائز انسی

اشغلوئی .. کلمونی

عائز انسی

عائز حد بیقی جمبی

لاجل احوال بس اقسی

احکوا عن مشاکلکوا یلا

خرجونی بأحلی طله

مش مهم هخبی ایه


جوه بس یعلم الله

اوهمونی

رقصونی

عائز اخرج من سکاتی


نفسی افرح ,, لاجل نفسی



نفسى ببقى عيد مماتى
هيا اولے انى هبقى
ناسى جدا طعم فرقة
فهمونى وعرفونى
ان هما كتير باعونى
وانهم ولا يسووا حاجه
وان كانوا كل حاجه
بس بعد ما قلبى سابههم
سعرهم ولا اى حاجه

فاشل

انا حد فاشل ف النقاش
ف مش هعرف اعبرلك !
و مهما حاولت .. انى ابوح
بكسر وجرح ف النينى
هكون عاجز اوصلك ..



واحدة ثانية

كونى امه لما يهرب
من هموم الدنيا ثانيه
وان بكالك انه تعبك
احضنى نبرة رجوعه
واعملى انك واحدة ثانية ♥

زرار اسود

اصبحت من الوجد اعمى .

لا فارق انى اكون فارق ..

ولا حابب اكون قاسى

ويتبطر على النعمة !

ولا هبقى زرار اسود

ف كم قميص على المنشر

ولا عايز اكون منظر

ولا حابب اكون زيك

ف لا هجرح ولا هكسر !

بالتبني

حبي فيه من غير مايعرف


داوى روحك بالتمنى

ولما ييجى .. احضنيه !

وإن ماجاش !؟

اعتبرى ان انتى امه

وانه ابنك بالتبنى !!



هعیش لبکره

کل الی قال .. هعیش لبکره

فجأة بکره مالقهوش

طب و روحه الی منه !؟

حتى دی ماستنتوش !

انا بنته

انا البنت اللى ف عيونه ..


بكون ملكة على راسه

انا امه .. وانا بنته ..

انا اهله وانا ناسه !


بکتبہ شعر

بکتبہ شعر و حلمی کبیر
انی اکون وابقی واطیر
فوق الحلم اعدی حدود
وابقی مثال انا للتغییر
ایوا هعافر واتعب عادی
ایوا هحقق حلم ولادی
انی اکون انا ام عظیمه
وابنی لیا .. ولأحفادی
صوره جمیله تشوف النور
لازم اتعب لازم ابکی ..
ایوا انا لازم بردو اثور
واضحک وقت نجاحی واغنی
وافرح باللی معایا لکنی
یومها هقولها بأعلی هتاف
حلمی ف ایدی واصبح منی



حاوی

وسط كل الكون بلاوى
للناسى واللى غاوى
والے عایز یبقی شهم
ع النواصى وع القهاوى
مین یقول .. ان الحیاہ
صعبه جدا لو بأه
دی الحیاہ محتاجه سحرك
لو هتبقى .. حتى حاوى
عیش حیاتك لو بأية
كل وقت ولیة آذان
سیب كلام الناس یغور
وابتدى بنفسك عشان
مهما كان ف الصبر ضعف
انت اقوى مهما كان




بآره بعيد


لما تحس شعور مكبوت
جواك صهد غريب الشكل
يظهر فجأة بشكل دموع
تسأل نفسك ايه الحل
تلقى البكى عمال بيزيد
شايف نفسك لسه وحيد
حاسس روحك مش وياك
شايف بكره لسه بعيد !

صدق نفسك

لما تدور على احلامك
صدق نفسك قبل ما تبدأ
ارسم خيط النور قدامك
وان فاض صبرك اياك تزهدق
فكر جايز تلقى طريقك
مفروش قدامك بالورد
اقنع نفسك انك تقدر
وماتسمعشى لأيوها حد
شوف حواليك غيرك بيحاول
انه يساعدهك .. وان كان لا
ساعد نفسك انت وعافر
خلى طموحك كلمه حق



ابدأ اول خطوه وصدق
خلى جنونك ياخذك فوق
وابعد فوق الدنيا وحلق
املئ عيون الفرحه بضحكه
سافر جرب اتعب اشقى
جرب يابنى واغلط ماله
مين ف الدنيا مابيغلطش .
.. علم غيرك ازاي بيبقى
وان غاب حلمك ماتكشرش .



انتى بنتى

الراجل راجل

والست ست

وهو طاقق

وانتى بنت

ف ماتحاوليش

وماتعنديش

تعيشى الدور


وماتحسيش

بانه صعب يتعاند

ده حب عليكى يتساند


ولو فجأة قسى عليكى

خدیه ف حزنك بشوق جامد !!





شكلك حزين

- مالك شكلك حزين ؟
اصلى سيبته ولسه بنسى
- يعنى هتنسى حب السنين !
اه وماله .. ولسه هقسى !
- طب وهو ... هينسى عادى !
ايوه جدا .. قلبه راضى
انه يبقى لوحدته تانى
انه يعيش انسان انانى
انه يبقى ف دنيا زحمه
معدومه فيها الامانى
- طب وانتى حاسه حاجه !!
حاسه انى ف دنيا تانيه



فیہا ہنسی کل حاجہ
حاسہ انی ف بحر عالے
کل تفصیلہ ف بالے
کل شئ حسیتہ بیہ
رافضہ احسہ بقلب خالے
- بس عارفہ .. انتی لسہ
- عاشقہ جدا .. لسہ حاسہ
ہو یمکن لسہ فیہا
بس قلبہ مش علیہا
حد عایش ینسی حد
وحط بینا الف سد
ف صدیقینی ہنسی جدا
وہنسی انی ف یوم غلطت
لما حبیتہ بجد !!





واتغیرت

واتغیرت !

یعنی خلاص بتعدی ملامحک

قدام عینی وماتہزتش

حتی ف عز ما کنت بسامحک

سبت انا کدبک وماحبتش

تعرف انی ف یوم ہتغیر

سیبتک واثق مش متحیر

سیبتک فاکر ..

ان انا جرحی

سہل یدوبک جرح صغیر

واتغیرت !

مش بکلام


ولا بأغانى

ولا اوهام

يعنى خلاص قاده انا جدا


من غير صوتك اعرف انام

ف اتغيرت !!




الاحسن ف الفراق

ما بقتش بقول عليك
انك ف يوم ظلمتني
بالعكس انا بدعى ليك
انك خلاص فوقتني
واذا كنت ف مرة ساذجه
منك كثير علمتني
والكام حاجه اللى بينا
ما بقتش انا بحتاجلها
والكلمه الحلوه منك
ما بقتش عايزه اسمعلها
والكديه اللى انت فيها
انسى ف يوم ارجعلها



خليك ف اللى انت فيه
ما بقتش لايقه خلاص عليك
انا هبقى لحد تانى
والنعمة ضاعت من ايديك
والاحسن ف الفراق
مش عايزه اشوف نظرة عينيك



اختر مآلآة

رنة تليفون الو !

بس بخوف .. !

اصلى عارف كل كلمه

ايوا حافظ الحروف !

كل تنهيدة تردد

قبل كلمة .. #الظروف !!

قبل كلمة الوداع ..


واللى خون واللى باع ..

واللى سابنى ف عز ضعفى


... ابكى وحدى ع اللى ضاع !

جاي دلوقتى يعتذرلے ..

اصله صعب . . انه يكون لي




وانا اللى فاكر انه جاى . .
بيكى بس عشان راجعلى !!
ف فضلت اصرخ ف السكوت
هو بردو مش سامعلى !!
نفسى اقوله انى بموت . .
وانى محتاجله تملي !!
خلص كلامه وقال سلام
رديت بسرعه . . قولت ثانيه !
لسه فى منى كلام
لو كنت فاكر انى هبقى
او هدمع لجل تبقى !
او هكون ندمان عليك
عشان ناويت تقول فرقه
ف احب اقولك . . انى نسيت
وهنسى اى سيره عناا
وخذ ف ايديك نار هواك . .
اصلى ناوى اعيش ف جنه



وروح ت ناهى المكالمه ..
بكل صبر وكل قوه
وفتحت صفحه جديده خالص ..
بعد اخر مكالمه بينااا .. !

الفهرس

٣.....	يعنى ايه راجل؟!.....
٨.....	عشان خاطرى.....
١١.....	لاقيتك حزن.....
١٢.....	الف رحمة ونور عليه.....
١٤.....	وتتايلى.....
١٥.....	صح جدا.....
١٨.....	بسيب روى.....
٢٠.....	لسه فاكرة ١.....
٢٤.....	لسه فاكرة ٢.....
٢٨.....	ولو تقدر.....
٢٩.....	سيبها لغيرك.....
٣٢.....	ام عياله.....
٣٤.....	ليل غميق.....
٣٥.....	كل حاجة.....
٣٦.....	لو حتى فاضل بس يوم.....
٣٨.....	بخاف احكى.....
٣٩.....	بالدراع.....
٤٢.....	انا نفسى.....
٤٤.....	الحكاية.....
٤٥.....	حاسه.....
٤٦.....	احياناً.....
٤٧.....	الحب مش شحاته.....



- ٤٩.....إرسم بكره.
- ٥٠.....ف الانعاش.
- ٥٢.....مش نصيبك.
- ٥٤.....مش هنرجع.
- ٥٦.....البنات ف الارتباط.
- ٥٨.....مش قرارك.
- ٦٠.....اساتذة كذب.
- ٦٣.....حاولى.
- ٦٨.....متسألشى.
- ٦٩.....بتقلب ف دفاترك ليه.
- ٧٤.....الى مجهول.
- ٧٦.....مش ضرورى.
- ٧٨.....موت بطيئ.
- ٧٩.....من الوحدة.
- ٨٠.....إياك.
- ٨٢.....ايوه صايح!
- ٨٤.....حبى راجل.
- ٨٥.....عادى جدا.
- ٨٧.....بتحبنى!؟
- ٩٠.....الحلم متعلق.
- ٩١.....خليك راجل.
- ٩٤.....دوشة.
- ٩٥.....م البداية.
- ٩٦.....سبب مقنع.
- ٩٧.....لازم تكون عكسهم.
- ٩٨.....ايوه اسف.
- ١٠٠.....نفسى ابقى عروسة.
- ١٠٣.....كوتشينه.
- ١٠٤.....اهبل ولا عييط!؟

- ١٠٥.....اوتار الوجة
- ١٠٨.....حب جديد
- ١٠٩.....اكيد هو
- ١١٠.....يارب
- ١١٢.....الحب الصامت
- ١١٤.....وانا بحبك
- ١١٥.....النصيب بينادينى
- ١١٦.....فيلم هندى
- ١١٨.....حكاية حب
- ١١٩.....صدفة
- ١٢٠.....عايز انسى
- ١٢٢.....فاشل
- ١٢٣.....واحدة تانية
- ١٢٤.....زرار اسود
- ١٢٥.....بالتبنى
- ١٢٦.....هعيش لبكره
- ١٢٧.....انا بنته
- ١٢٨.....بكتب شعر
- ١٢٩.....حاوى
- ١٣٠.....بكره بعيد
- ١٣١.....صدق نفسك
- ١٣٣.....انتى بنت
- ١٣٤.....شكلك حزين
- ١٣٨.....واتغيرت
- ١٤٠.....الاحسن ف الفراق
- ١٤٢.....اخر مكالمه